





清刻龍藏佛說法變相圖

新編
乾隆大藏經

三八〇

龍藏

大丈夫論上

提婆羅菩薩造

靜四

施勝品第一

敬禮等正覺 大悲哀世尊 因彼起正法

三界中真濟 衆中第一尊 無量功德藏

菩提本所行 我當說少分 我今哀愍彼

開演妙施門 一切諸賢士 應當歡喜聽

菩薩行施時 大地皆震動 巨海涌衆寶

慧雲雨妙華 無心猶如是 況有情識者

菩薩施廣大 猶如虛空界 假使五通仙

充滿十方刹 聽聞猶尚難 況復分別說

無有地方所 而不以水施 淨水浸大地

無有不徧處 無有一切物 菩薩所未施

無有一衆生 不會受施者 論者諸大地

一切應禮汝
菩薩一日施種種衆雜物
不能知邊際所以不能知能成種智果
施能到彼岸若一到彼岸
波羅密義者名爲和集聲
名之爲大衆
一切衆事具莫不由施成
出世之胞胎無相施爲妙
身及物皆施無有所憐惜
無有方所者一切時皆施無有不施時
於此四施中名不思議施
若不如是施是名爲欺詐
是爲施一切所以名一切

何故禮大地
菩薩行施處
種種衆雜物
所以不能知
施因爲最大
諸度悉具足
譬如多人處
能成大智果
施是生天道
平等爲最勝
一切處皆施
無有不施時
如是行施者
一切盡蒙樂

辟支佛百劫
大悲爲施體
大悲爲施體
此是智者說
譬如多人處
能成大智果
施是生天道
平等爲最勝
一切處皆施
無有不施時
如是行施者
一切盡蒙樂

大悲所以普爲求種智故
世名良福田大悲平等施是爲最勝施
無量財寶施不如暫止息悲心施一人
功德如大地爲已施一切得報如芥子
救一厄難人勝餘一切施衆星雖有光
不如一月明衆生垢心重所施恒爲已
菩薩悲心施如灰去衆穢救濟慈悲施
普爲群生類如是慈悲施功德無窮盡
如此微妙施如是慈悲施貪求佛智慧
心無有厭足如是慈悲施能除無明障
開導愚冥者使得智慧眼能滅諸結使
銷伏老病死施與悲心俱衆生之甘露
施勝味品第二

大悲所起施意願成菩提如是知見人
能成一切施如是一切施終成一味智

大悲心爲體 能起種種施 種種救衆生
得到於智處 能除諸愛結 及以無明垢
能令一切衆 悉皆得安樂 如是悲心施
誰不生愛樂 大悲心所起 功德之施利
不能生愛樂 背離於救濟 是人爲愛繫
菩提甚難得 諸欲求佛者 愛樂施甘味
智人喜惠施 甘樂菩提味 深見三有過
涅槃味甚樂 速疾欲遠離 一念頃不住
又見於施樂 復過於涅槃 愛樂施自在
心則忘菩提 心既忘菩提 謂菩提難得
自觀樂施心 第四 由悲衆生故 不覺施味樂

一者求報施味 二者求解脫施味 三者求大
悲心施味此三種味者名增長樂味施
施主體品第三

受者得無量珍寶心大歡喜施者行少施時
心大歡喜過於受者百千萬倍若能如是施
是爲第一行
成就救濟者 飲大悲甘露 菩薩行此行
永除憚病老
菩薩悲心以施爲體世間衆生以結使爲體
純以衆苦以爲一味爲得樂故行悲心施曰
以照明爲用月以清涼爲性菩薩以悲爲體
智慧及財施安樂於一切如從歌羅遷乃至
老時十時差別雖至於老不捨嬰孩之相善
薩虛渴施心救濟衆生亦不捨凡夫離欲至
於非想不離凡夫之相菩薩不捨施心救濟
衆生亦復如是欲除施渴當飲大施之水施
渴暫息餘渴不已愛樂施故一切衆生依食
而存大悲亦爾依施而存菩薩法身不依飲

食而得存濟大悲爲食菩薩身存悲心如火
欲施如飢施與如食菩薩樂與無有厭足悲
如大海施如沃燋救濟心爲水如沃燋吞流
欲向菩提以衆生爲伴悲心爲體施無厭足
如海吞衆流無有止息

一切衆生來 各各索異物 菩薩皆施與
心無有疲倦 諸苦惱衆生 盡皆爲除滅
第四 設有未除者 心無有厭足
施主乞者增長品第四

有大悲者能處生死種種施與滅衆生苦若
能如此善住生死

福德善丈夫 悲心施惠手 拔貧窮淤泥
不能自出者

悲心爲體能行大施滅衆生苦如盛熱時興
大雲雨起大悲雲雨於施雹摧破貧窮如壞

山石極貧窮者無限濟施令彼窮者永離貧
苦以大施雨普益一切衆生貧窮永無住處
菩薩爲救衆生修行施時魔及眷屬皆生嫉
妬愁憂苦惱菩薩修行無量財施法施之時
慳貪嫉妬悉皆驚號莫不愁怖

慈心端嚴身 悲心爲千眼 施爲金剛杵
菩薩如帝釋 悉皆能摧壞 貧窮阿脩羅
第四 菩薩悲心引 種種施爲箭 破貧窮怨賊
永無有住處 悲心堅固根 愛語以爲莖
忍辱爲枝條 布施以爲果 求者爲鳥鹿
乞者如大風 能吹施果落 貧者得滿足
菩薩出時夜 慈心如滿月 淨施以爲光
求如拘牟頭 以淨施光明 令彼得開敷
乞者既得滿足歡喜悅豫轉相施與亦如菩
薩施乞求者展轉相聞亦如菩薩菩薩布施

流聞一切諸貧窮者皆來歸向如曠野樹行人熟時皆往歸趣菩薩愛樂名得勝處何以故能使乞求者來使我得施福故以施福故名得勝處一切衆生皆來歸集如是大士悉應敬禮菩薩心喜即覺身輕以此相故當知必有來乞求者若有人來語菩薩言有乞者來菩薩歡喜即以財物而賞使者菩薩即以餘物而與乞者見乞者來歡喜愛敬求者言乞作此語時懷憐慈心若有乞者不知菩薩體性樂施菩薩執手歡喜與語猶如親友懷彼不知使生知相彼乞求者得財歡喜傍人見之亦復歡喜願此救濟我者長存於世此乃乞者真濟菩薩見乞者時身心歡悅面如滿月使彼乞者歡喜悅豫如甘露塗心菩薩和顏悅色用慈心眼視於前人如飲甘露譬

如有人盜竊他物至市賣之若得速售心大歡喜菩薩得施乞者物時心大歡喜復過於此如巨富人多饒財寶于子具足隨意恣與愛念歡喜不及菩薩於乞求者心大歡喜菩薩見乞求者時心大歡喜勝於他人見所親者若見前人得多財寶隨心恣意而自矜高菩薩見之倍生歡喜若見乞者發言時菩薩施渴心重耳聞乞言如飲甘露若聞乞言心生愛重無能壞者若聞具足財壞其愛心菩薩於乞求者常生愛念若聞具足聲則壞其愛味菩薩觀前受施福田頗有共我等者遂見貪愛衆生則與我等所以者何彼貪心無足我施心無厭彼貪心者愛大施主菩薩見多乞者亦深生愛敬貪求者常求施主欲乞施者常求乞者所欲與之菩薩常與世人相

乞者皆就施者而乞菩薩就乞者而施乞者聞施者財物匱盡生大苦惱菩薩求乞者不得時心生憂惱復過於彼百千萬倍於求乞者菩薩思惟佛言求不得苦真復如是菩薩於乞求者生難遭想所以者何若無乞者檀波羅蜜則不滿足無上菩提則不可得是故於乞求者深生悲惱若有乞者無上菩提便爲手執不難菩薩聞乞者言與我與我心生歡喜此人即便與我無上菩提世間愚癡衆生若聞乞財則生輕慢不生愛敬菩薩念言

所以名爲乞者多是愚癡衆生以慳心故與作惡名如是人者乃可名爲施者雖有財物復無施心雖有財施心復無受者若具足三事是大福德人如有貧人得大寶藏心生恐懼或王賊水火來見侵奪遇值親友而語之

言我今爲汝作諸方便令無喪失即大歡喜菩薩得乞者以爲善伴心大歡喜亦復如是菩薩悲心徧一切處於彼乞者特生憐愍菩薩悲心見乞求者和顏悅色使彼乞者生必得之想乞者見菩薩顏色和悅之時即生決定必得之想菩薩見乞者時語言汝來欲須何等隨意而取安慰之言善來賢者莫生恐怖我當爲汝作依止處如是種種安慰乞者常以愛語使彼乞者心得清涼種種財寶隨意而與諸乞求者貪火熾盛菩薩常以施乳滅貪求火若能如是種種施者名爲生人若不如是名爲死人受施者大得財物餘人見之歡喜讚歎菩薩爾時菩提之果如在掌中悲心淨則施淨若無悲心施不清淨菩薩作是思惟善調順意者敬悲心勝能使施淨菩

薩見貧窮者悲心極重衆生極貧得菩薩施使成巨富譬如有人得如意珠所欲皆得諸貧窮者得值菩薩一切貧苦悉皆除滅菩薩先行財施次捨所親後捨手足復捨身命如是漸漸次第而捨菩薩往乞者所與其財寶喚其乞者與其諸親若乞者自來現求索相與其手足若發言求索便捨身命若不來者自往施之有來求者尚捨身命況復財物而不施與菩薩成就悲心如自己體未曾捨離見來求者於已身所生於他想菩薩身中生其惱熱云何愚癡乃於我身生於他想語乞者言一切財物先皆與汝都是汝物汝今但取云何言乞諸求者言何時見與菩薩報言我先於三界尊前發弘誓願是時與汝汝今云何方從我乞菩薩發心願一切衆生於我

財物生已有想如許頭河飛鳥走獸往至其所隨意而飲無遮護者與以不與先以捨離更不言與亦復不生歡喜之心何以故先以與竟以一切所捨使諸衆生皆當得樂菩薩於一切衆生是走使者一切衆生皆是施主諸貧窮者心充足時菩薩爾時檀波羅蜜悉得滿足檀波羅蜜滿足之時知功德滿足慳貪者見乞者時則背其面修功德者見乞者時歡喜瞻視親近乞者則得菩薩施時見受施者展轉相施便生歡喜一切衆生讚歎歡喜菩薩聞其讚歎心大歡悅勝得解脫快樂菩薩悲心施時見一切衆生多得財寶充足快樂諸衆生等得快樂已而發願言我當久處生死修諸功德不求解脫菩薩既見衆生能久處生死心大歡喜我今便為得現果報

設當不得菩提亦爲具足

勝解脫品第五

菩薩思惟常所愛勝解脫者來覺悟我彼來者不爲財寶爲欲成就我大事故來菩薩或爲人王修諸功德者來而白王言有乞者來王即念言此言乞者乃是勝解脫來我今得之王自念言我今不爲貪著王位爲欲利益一切衆生不應空居王位應修施果滿足而彼使者乃是覺悟我者凡爲乞者甚難爲顏心懷慙恥言色變異菩薩即知其意而安慰言若有所須隨意而求乞求者既得財物心大歡喜施者受者二俱歡喜如涅槃樂三有生死熾然大苦菩薩處之如涅槃樂何以故爲欲救濟諸衆生故菩薩念言悲衆生者即是我解脫以大施惠救濟衆生衆生得樂即

是我解脫雖復大施若無悲心不名爲施若有悲心施即是解脫菩薩念我於往昔三界尊前聞解脫極樂我今已證何以故稱意而施即是解脫若阿羅漢解脫樂與悲心所起施樂相似者我則愛之若不相似我則不愛唯愛施樂以爲解脫悲心起施所得快樂無有比類無悲心施解脫之樂百千萬分不得爲喻悲心起施所得喜樂若當可以喻爲喻最爲極大是故不可爲喻

施主增長品第六

悲心起施能與衆生樂聚如是施主與衆生樂者勝於解脫名爲最勝施主成他樂因修悲者於一切衆生得平等心如是者名爲檀越不能如是施者名爲乞者若行施時使聞者悲泣是名善施若不如是不名善施主若

行布施能使受者子孫恣意受用歡喜讚歎
名健施主若乞而與不名施主自往而與名
善施主若捨一切財物愛心而與不名施主
有悲心者雖不與物名大施主諸來求欲皆
使隨意稱彼本望名善施主不能稱彼本望
雖復大富名貧窮者富者雖與無悲愍心名
曰與不名施主悲愍心施是名施主若不食
歎無有果報施雖與不名爲施無悲心施雖
與不名爲施有悲心者雖復不施名之爲施
若求報施名爲施者商賈之人亦可名施若
求報施果報猶尚無量況有悲心不求報施
果報何可稱計若求報施唯可自樂不能救
濟徒自疲勞悲心施者能有救濟後^一果時
能大利益貧窮者不如有財者有財者不如
能食者能食者不如能施者悲心施者善一

一切衆生富者應施施者應悲富者能施富得
堅牢施者能悲施得堅牢修施者得富修定
者得解脫修悲心者得無上菩提果中最勝
恭敬乞者品第七

菩薩思惟因彼乞者得證菩提我當以此菩
提迴與一切衆生以報恩故我今因施衆生
得無比樂因此樂故得成菩提如此菩提我
當施與乞者我今因施乞者得於快樂勝解
脫樂因中施樂猶尚如是況無上菩提我當
捨之施諸乞者如是乞者其恩甚重無以可
報如此乞者乃能與我作大樂因若以財寶
不足報恩當以所得無上菩提而施與之以
我福故願使乞者於將來世亦如我今成大
施主菩薩內自思惟因於乞者得施快樂使
乞者得無上菩提爲法施檀越諸乞求者見

菩薩大施而問之言爲求何等而行大施菩薩答言我今不求人天果報聲聞涅槃願得無上菩提拔濟一切衆生諸慳貪者而作念言菩薩云何能行大施心不疲厭菩薩答言我師三界尊悲念一切衆生我今無以報師恩故施無疲厭一切之樂無勝解脫樂者我愛衆生勝愛解脫我以愛念衆生欲令得解脫故修種種施若生死不極苦者我施終不求菩提以生死苦故我施求菩提拔生死苦者誰之所作煩惱以業之所造作使一切衆生以悲心爲體常樂惠施

施慳品第八

不念恩人無有悲心若無悲心不能行施若不施者不能濟度衆生生死無悲心者無復親友有悲心者能有親友計我者以愛爲體

救濟者以悲爲體心有重愛無有知者有重悲心者亦無能知若不行施覆蔽悲心如以畫石乃知真僞若見苦厄者能行大施則知有悲心慳心多者正使所親從乞則成怨憎悲心多者假使怨家亦如親友慳心多者雖施泥土重於金玉悲心多者雖施金玉輕於草木慳心多者喪失財寶心大憂惱悲心多者雖有財寶無施處時心懷悲苦復過於彼捨財物者凡有二種一者命終時捨二者布施時捨死時捨者一切都捨無有毫釐至於後世布施者施於少物得大果報何有知見此過患而不行施若行施時令受者喜悅自亦喜悅若人不能深生喜悅便自欺誑若有乞者有所求索爲求有故施與少物心則歡喜復有施者自往施與不求果報而行大施

餘有少許心中快樂不可爲喻設有美食若不施與而食噉者不以爲美設令惡食得行布施然後食者心中歡悅以爲極美若行施竟有餘自食善丈夫者心生喜樂如得涅槃無信心者誰信是語設有美食有飢者在前不能施與是人食尚不能施與況勝解脫能施與人設令多有財物有來乞者尚無心施何況少物不見是人於生死中有少樂處適可住於涅槃若人於大水邊不能以少水施與生死之中苦惱無量汝莫在中住適可速入般涅槃如有大水欲施人不以爲難如有悲心欲取涅槃亦不爲難世間糞土易得於水慳貪之人聞乞糞土猶懷惜况復財物財物施品第九

如有二人一則大富一則貧窮有乞者來如

是二人俱懷苦惱有財物者懼其求索無財物者我當云何得少財物與之如是二人憂苦雖同果報各異悲惱念者生天人中受無量樂慳貪者生餓鬼中受無量苦若菩薩有悲愍心於前衆生便爲具足況復與少物如人大富多有財寶隨意而用心生歡樂菩薩悲心念施憂惱過於是人百千萬倍有悲心者無有財物見人乞時不忍言無悲苦墮淚見苦惱者不能墮淚何得名爲修行悲者勝者設聞他苦尚不能堪忍況復眼見他苦惱而不救濟者無有是處有悲心者見貧苦衆生無財可與悲苦歎息無可爲喻救衆生者見衆生受苦悲泣墮淚以墮淚故知其心軟菩薩體淨悉皆顯現何以故知其顯現見苦衆生時眼中墮淚以是故知菩薩其體淨軟

菩薩悲心猶如雪聚雪聚見日則皆融消菩
薩悲心見苦衆生悲心雪聚故眼中流淚菩
薩有三時一者見修功德人以愛敬故爲之
墮淚二者見苦惱衆生無功德者以悲愍故
爲之墮淚三者修大施時悲喜踊躍亦復墮
淚計菩薩墮淚已來多四大海水世間衆生

捨於親屬悲泣墮淚不及菩薩見貧苦衆生
無財施時悲泣墮淚菩薩入救衆生禪極樂
心相應無盡寶藏自然而一切乞者自然
而至善丈夫者能以財物大施乞者乞者得
財物已亦行大施菩薩能以財物施於衆生
使其富足以等悲心聞乞者聲爲之雨淚乞
者見菩薩雨淚雖不言與當知必得菩薩見
乞者來時極生悲苦乞者得財物時心生歡
喜得滅悲苦菩薩聞乞言時悲泣墮淚不能

自止乞者言足爾時方止菩薩修行種種施
已衆生滿足便入山林修行禪定云何滅除
諸衆生三毒苦患菩薩財物倍多無乞者可
施我今何爲守之而住今當捨之出家

捨一切品第十

菩薩大有財物無有乞者喚之不來菩薩思
惟故當斷諸結使無有來者菩薩悲心一切
衆生衆苦圍遶發願度諸衆生菩薩諸有所
索一切皆捨無物不與欲求佛智最上救濟
一切衆生尊有勝悲心欲行救濟何物不捨
有悲心者爲他故涅槃尚捨況復捨身捨身
命財有何難也捨財物者不如捨身捨身者
不如捨於涅槃涅槃尚捨有何不捨悲心徹
髓得自在悲作救濟者大菩薩施都無難也
是一切衆生最親與他作向樂因悲者一切

都捨離諸疲勞一切衆生真濟怨親平等身
命尚與何物不捨一切衆生極重財利樂愛
命重於財物一切衆生捨財爲易捨命爲難
菩薩捨一切財物歡喜不如捨身命時得勝
歡喜種種施味悉知以施爲食因之得存與
他樂者欲知施身氣味故施身見他乞肢體
者心中歡喜勝於捨財歡喜如樂施者得歡
喜樂不如菩薩捨身時得勝歡喜閻浮提人
乞財物者無我福德故得乞身者來捨財者
財物由他或不稱意捨身者我得自在隨意
施與不由於他此身不牢不定速朽之物可
愛念者可速疾取諸食肉者語菩薩言汝今
以熱肉血施我我當何以報恩菩薩報言若
欲報恩者更語餘人有悲心者能施身肉可
往取之若能如是便是報恩語乞者言汝今

爲我取不堅身使我得堅牢身汝恩極重何
以可報未來世中捨身之果即用施汝我爲
救濟一切衆生故捨於身命捨身者得於法
身得法身者得一切種智使一切衆生皆得
比果捨此身者得於法身法身者能與一切
衆生利樂能如此思惟云何不生喜樂速捨
此身菩薩捨身時作是思惟我爲衆生作親
友者我以度生死應度一切衆生脫於生死
如是故我今捨身菩薩作是思惟我此捨身
功德不屬非衆生數還以養我功德法身若
心如是決定之時捨身無有難想菩薩捨身
所以不難以當成法身故是故歡喜貪愛童
者多得財時歡喜無量不及菩薩捨身歡喜
百千萬倍菩薩以智慧悲心爲體爲衆生故
求於法身菩薩捨身時樂勝於世人得轉輪

聖王自在快樂如刹利種若壞敵陣能捨身
命得生天上捨身命時歡喜無量菩薩以智
慧悲心捨身命時歡喜最勝復過於彼凡愚
衆生爲財利故在於敵陣捨於身命或爲解
脫投巖赴火喪身無數況復菩薩以智慧悲
心爲一切而不捨身命愚癡衆生以愛著心
爲國土故捨於身命菩薩智慧悲心爲物而
捨身命何足爲難菩薩發誓願時一切皆捨
雖有是語一切衆生實未得利修行布施爾
時一切衆生得利益受用菩薩捨身不足爲
難知身無常苦空不淨爲衆生故而不捨離
是則爲難菩薩悲心爲衆生捨身不足爲難
樂捨無有狀足此則爲難假設使一凡夫令
友大地力不能就甚生憂惱菩薩見苦衆生
未度脫時心懷悲惱復過於是悲心故菩薩

觀身輕於草土爲衆生捨身何足爲難若人
爲己身故一念中受不殺戒是人命終必生
天上菩薩爲衆生捨於身命所有功德生死
之中無有受處唯至菩提乃能容受菩薩若
聞有人來乞身時即時生念我已久捨此身
而不自取方從我索必當謂我有憚惜心而
試我耳

捨陰受陰品第十一

阿羅漢捨後邊身得涅槃樂不及菩薩爲衆
生捨身時樂阿羅漢得解脫不如菩薩爲衆
生故受身時樂菩薩生念我以不取涅槃爲
衆生故得受是身是最爲妙菩薩念言我捨
身命用施復更受身不入解脫是爲最勝我
樂聞如來濟度衆生功德我得救衆生悲心
氣味不取涅槃甚愛樂此事菩薩爲衆生捨

身施時雖不證涅槃勝得涅槃者以不得爲衆生捨身氣味故菩薩受是陰身極是大苦如爲衆生捨身時樂等無有異世間凡夫爲貧窮病苦之所纏逼不能捨離樂欲捨身衆生獸患陰身不能救濟者欲速入涅槃菩薩思惟涅槃甚樂生死陰身極爲大苦我當代

一切衆生受此陰身之苦使得解脫阿羅漢身盡佛亦身盡身雖同不能救濟佛滅身爲善

捨身命品第十二

菩薩爲一切種智故大悲心爲衆生故捨身捨命得果報不空若一切捨身不得果報名空捨身菩薩捨身爲著財衆生欲使生羞恥故菩薩爲衆生捨身命者易於慳貪者捨一團飯菩薩捨於身命爲慳貪者生其羞恥菩

薩所以施命爲護他命故何以故他命即是我命菩薩雖捨身命不濟他者爲觀陰身過故爲益衆生復更受身若非大悲何有智者而樂陰身若無大悲施味者不能樂處生死菩薩常樂行施大悲自在隨受生死身如涅槃樂

現悲品第十三

菩薩悲心極大在於身中無有知者菩薩捨身命時一切天人所以得知菩薩悲心極以深大徧一切衆生無有見者以財施法施無畏施悉得知見一切衆生身者無不是病無有知者以三事故知其有病何者爲三飲食衣湯藥即是病相菩薩悲心以三事得顯何者爲三即是財法無畏施也菩薩與一切衆生作樂爲滅一切衆生苦故捨身救之菩薩

不求果報視如芻草菩薩大悲作種種方便

猶如乳聚以血施人易於世人以水用施如

菩薩昔日五處出血施諸夜叉鬼踊躍歡喜

無可為喻為欲救濟一切諸衆生故有餘人

問菩薩言大悲者有何氣味能便捨血易於

捨水大悲心菩薩答言以不求果報為他得

樂故捨身命何以故樂無相為首入悲心樂

有人見菩薩大悲疑之為是悲體以大施故

知是悲體世人生疑為當悲來入菩薩身中

菩薩往入悲心中菩薩捨身者一切所不能

共唯大悲者能得一切種智時一切衆生所

不能共有大悲心為益衆生所欲皆得無有

難者決定得空心欲利益衆生大悲常在心

者無上菩提便如在手中無異得住無生忍

法施品第十四

財施者人道中有百千萬財施果報能得法
施唯大悲者能得法施財施果報後身得無

量樂悲者法施現證涅槃樂施歡喜甘露滿

足菩薩悲一味以是因緣無一剎那欲趣解

脫種種法施竟請諸聽法者我得法施果時
必受我請菩薩時施名為欲施非根本施成

佛時施名根本法施

佛智處虛空 大悲為密雲 法施如甘雨
充滿陰界地 四攝為方便 安樂解脫因
修治八正道 能得涅槃果

財施除衆生身苦法施除衆生心苦無量劫
財施為得法施果法施能與衆生無畏施極
厭患生死智者求涅槃悲救衆生者求於法
施菩薩愛錢財為修施故修行施時為得法

益於他佛常能思念成就衆生事

施見衆生有二種貪愛愚癡貪愛多者施財
寶愚癡多者施與其法施財者爲其作無盡
錢財法施者爲得無盡智故財施者爲得身
樂法施爲得心樂隨所化衆生所欲得義稱
意滿足稱之無疲倦意得大功德得法施歡

喜增益端正如秋滿月常爲衆生心眼不離

財施者爲衆生所愛法施者常爲世間之所
敬重財施者愚人所愛法施者爲智者所愛
財施壞財貧窮法施壞功德貧窮者此二種
施誰不敬重財施者能與現樂法施者能與
天道涅槃之樂樂愛悲者能愛一切衆生愛
一切衆生即是愛已阿羅漢捨於衆生入涅
槃去尚不爲智者所愛况苦衆生者誰當愛
樂常行惠施遠離十惡恭敬父母若如是者
是報我恩若欲續佛種者當以悲心爲首饒

大丈夫論卷上

二十

音釋

歌羅邏梵語也此云滑 滑邏通朗可切 滑泥泥淳也據切
承呪切賣 賣求位切 團頭也此云驗 團頭梵語也亦云信
去手也 信力之切十 評河評